

第十五屆全港詩詞創作比賽——律詩

公共圖書館由一九九一年起，每年均舉辦「全港詩詞創作比賽」，單年比詩，雙年比詞，旨在提高市民的中國語文運用及韻文欣賞的能力。今年舉辦的「第十五屆全港詩詞創作比賽」，已是第八次的「律詩比賽」。評審委員有何文匯校長、周錫靚教授、韋金滿博士、黃坤堯教授及劉衛林教授。

比賽分學生組及公開組，題材由作者自定，五言或七言律詩不拘，用韻以《詩韻》為準，限用「七虞」及「十二侵」二韻。今屆的參賽者非常踴躍，共收到九百八十多份參賽作品。學生組參賽者來自各大專院校及中學；公開組參賽者則來自社會不同階層。是屆參賽者的作品水準甚高，評審委員須多次討論，經初選、複選後才能決定名次。為確保評選公平，整個評審過程都採用糊名方法進行。評判團更約見了學生組入選參賽者，並要求入選者即席對聯，然後才決定得獎名次。

學生組

亞軍

冠軍

《自由行》

黃令時 香港中文大學

革履西裝挾地圖，紅燈綠轉要招呼。
新循國策來行旅，喜聽鄉音滿路途。
大市一時翻妙著，愁城七載付長吁。
且看游侶星光道，可證春風又海隅。

《九龍寨城新刻對聯甚多
春日來遊俯仰其間感作》

程彥 香港樹仁學院

海濱勝跡我來尋，燕子聲中百感侵。
割地偏留珠一顆，刻聯長賞世餘音。
騷壇老宿揚風韻，龍寨遺衙閱古今。
流水小橋詩境界，何妨到此日登臨。

季軍

《春遊八仙嶺》

蘇穎添 香港中文大學

芳郊春正深，萬仞始登臨。
仙嶺人間顧，天梯霧裏尋。
清風透晨色，高處絕塵音。
日出雲煙滅，豁然行客心。

*優異獎

《春暮野遊》

包芷苓 香港浸會大學

東風浩蕩入幽林，落日蒼茫對碧溷。
寸草承春春水綠，繁花和酒酒香沉。
炊煙曖曖迷孤客，曲岸萋萋沒匹禽。
信馬飄零詩與劍，芳塵野色滿衣襟。

《臨別謝師》

梁志立 香港樹仁學院

化雨春風草木深，寒窗歲月刻於心。
敦仁博物應知命，授硯傳衣默奏琴。
百載樹人懷有慰，五車藏典目無金。
回頭遠望長空際，飛鳥盤旋戀舊林。

《秦皇》

許惠強 路德會呂祥光中學

橫斷諸王祚，鋒芒及海隅。
銷兵冶像鑊，焚典墓生儒。
暴役乾坤子，獨馳今古途。
崇陵龍梓在，威武九泉孤。

《山行遇桂花》

陳小源 香港樹仁學院

春愁困霧繞疏林，何事無端氣轉沉。
夢時來蝴蝶笑，山中忽見桂花深。
回思疏影飄香意，始覺伊人出苦心。
一紙草書凌亂語，兩行清淚濕衣襟。

《懷友人》

廖子揚 香港中文大學

三秋徵羽伴瑤琴，黛萼逢春譜玉音。
影瞰白雲離岸遠，身隨彩蝶入叢深。
海棠曉夢長追昔，山菊醇醪獨撫今。
只盼歸帆凝脈脈，嬋娟共抱喚甘霖。

*特別獎

《乙酉清明鄉間祭亡舅》

伍煥堅 香港浸會大學

新墳何事草森森，節遇清明去復臨。
野道濛濛菊帶淚，行人寂寂鳥鳴林。
三斟一炷敦親意，再拜無由覓故音。
莽莽蒹葭依碧樹，玄裳傘外雨霽霽。

《清明》

麥紀鋒 香港浸會大學

古來三月愁人雨，點染孤墳分外陰。
獨剩餘灰舊友墓，還留殘紙故人音。
將傾素酒三杯意，莫厭清香一炷心。
颯颯哀鳴繞枝上，往時樂事倩誰尋。

公開組

冠軍

《濂泉寺聽瀑》 周麗芳
 冷冷山寺伴燈孤 夜靜飛泉聽自殊。
 鶴唳破煙歸月洞 龍吟翻浪走天衢。
 分來餘響禪初定 浣去諸塵夢亦無。
 料得岩邊清絕處 冰條銀線瀉鮫珠。

亞軍

《除夕》 鄔 窩
 萬戶新符換舊符 梅花初放二三株。
 一瓢陋巷窮何害 十卷殘篇足自娛。
 漫說人間經散聚 也從物外看榮枯。
 獅山歲月艱虞過 破曉晨雞振翅呼。

季軍

《灌菜》 白福臻
 老圃焉能及 滋培或可任。
 非關違世味 聊以淡予心。
 暗引一渠碧 涼生半畝陰。
 使君閒不得 農事每相尋。

*優異獎

《仲宣樓》 李文演
 頽簷古壁夕陽沉 襄北荆南感慨深。
 世界暫分秦氏鹿 路邊難聽穎師琴。
 澄江倚劍橫秋水 破袖凌霄別晚岑。
 一日登臨千載賦 最憐羈客亂離心。

《北大隆冬賞雪》 冼憲璋

飛雪寒風斷續侵 披衣日日過高林。
 冰凋衰草隨天闊 雁走平湖接地陰。
 前路繁迂歸路杳 詩情慷慨別情深。
 三年北序凌雲志 不盡南離寂寞心。

《峨嵋紀遊》 黃以芍

何事荊關展畫圖 峨嵋一望我驚呼。
 松聲浩蕩連朝暮 山色空濛近有無。
 奇巘插雲知路險 斷崖迷霧感峰孤。
 飄然似入神仙地 欲馭風雷上帝都。

《暮春鄉思》 蔡克明

星移物換又春深 念遠傷懷淚滿襟。
 漸見荼蘼添秀色 怕聞鶗鴂吐悲音。
 奔雷有意驚天地 流水無情自古今。
 渺邈鄉關何處是 側峰橫嶺怯登臨。

《侯王廟》 盧活為

國史遺章古廟尋 楊侯身負衛王臨。
 間關劫苦同三傑 節行貞忠仰一心。
 遙望宋臺秋唱冷 細看碑字夕陽金。
 歸來莫道張弘範 泉下知誰淚滿襟。

*特別獎

《棄文從商感詠》 岑植秋

生涯無奈別書琴 偏向商潮問淺深。
 履薄恨難懷劍膽 觀微長賴有詩心。
 幾回笑擁黃金醉 一覺驚看白髮侵。
 才氣漸因財氣盡 何時花月伴高吟。

《鄉居有感》 張星

村酒沽來濁可斟 扁舟過雨繫楓林。
 午香吹稻海田熟 秋蔓引瓜茅屋深。
 天地暗塵歸客鬢 江湖斜日動鄉心。
 衰年自笑為形役 空羨閒鷗臥水陰。

*排名按姓氏筆劃序

香港公共圖書館主辦

第十五屆全港詩詞創作比賽——律詩

獲獎作品

